



Na osnovu člana 7. i 8. Zakona o ministarskim, vladinim i drugim imenovanjima Federacije Bosne i Hercegovine („Službene novine F BiH“, broj: 12/03 i 34/03), i člana 20. i 21. Statuta Javnog poduzeća Šumsko privrednog društva „Šume Hercegovačko-neretvanske“ d.o.o. Mostar („Službene novine Hercegovačko-neretvanskog kantona broj“: 09/12 i 8/17), ministar poljoprivrede, šumarstva i vodoprivrede Hercegovačko-neretvanskog kantona raspisuje

**JAVNI OGLAS
ZA UTVRĐIVANJE PRIJEDLOGA KANDIDATA ZA ČLANOVE NADZORNOG ODBORA
J. P. ŠUMSKO PRIVREDNOG DRUŠTVA „ŠUME HERCEGOVAČKO-NERETVANSKE“
d.o.o. MOSTAR**

I

Nadzorni odbor obavlja slijedeće poslove:

- a) nadzire poslovanje Društva,
- b) priprema Poslovnike i predlaže ih Skupštini,
- c) priprema etički kodeks i predlaže ga Skupštini,
- d) vrši izbor kandidata Odbora za reviziju na osnovu raspisanog Konkursa, podnosi prijedlog za njihovo imenovanje Skupštini društva,
- e) razmatra Pravilnik o nabavci roba, izvršenju usluga i ustupanju radova, kao provedbeni propis za postupak nabave u Društvu, te vrši nadzor nad radom Uprave, kao i uposlenika u vezi primjene i provedbe Pravilnika, odnosno propisa o nabavi,
- f) razmatra izvještaj o nabavama, te nadležnim tijelima prijavljuje sve prevare i zloupotrebe,
- g) daje mišljenje Skupštini o prijedlogu Uprave za raspodjelu dobiti,
- h) predlaže način pokrića gubitka,
- i) daje upute direktoru za provođenje uviđaja u vezi sa uočenim nepravilnostima,
- j) daje ovlaštenja za aktivnosti koje su ograničene na osnovu statuta i zakona,
- k) usvaja izvještaj Uprave o poslovanju po polugodišnjem i godišnjem obračunu, sa bilansom stanja i bilansom uspjeha i izvještajem revizije,
- l) podnosi Skupštini godišnje izvještaje o poslovanju Društva koje obavezno uključuje izvještaj revizora, izvještaj o radu Nadzornog odbora i Odbora za reviziju i trogodišnji plan poslovanja,
- m) razmatra i predlaže Skupštini Društva revidirani godišnji plan poslovanja,
- n) odobrava kupovinu, prodaju, zamjenu, uzimanje u lizing i druge transakcije imovinom u toku poslovne godine u obimu od 15%-33% knjigovostvene vrijednosti ukupne imovine društva,
- o) nadzir Upravu u provođenju preporuka datih od strane Odbora za reviziju te vanjskog revizora sa specificiranim rokovima,
- p) organizuje pripremu istinitih računovostvenih izvještaja i finansijskih iskaza, sačinjenih u skladu sa međunarodnim računovostvenim standardima, kao i propisima o računovostvenim i revizorskim standardima, kao i propisima o računovodstvenim i revizorskim standardima F BiH, iz koje su vidljive finansijske pozicije Društva, te koje su otvorene za pregled od strane svih osoba koje imaju pravni interes u poslovanju Društva,
- q) sistemski nadzire zakonitost poslovanja,
- r) redovno izvještava Skupštinu Društva o svom radu,
- s) imenuje i razrješava na prijedlog direktora rukovodioca poslovnih jedinica – šumarija i izvršne direktore,
- t) imenuje povremene komisije i utvrđuje njihov sastav i zadatke i godišnje planove na prijedlog Uprave,
- u) donosi šumsko – privredne osnove i godišnje planove na prijedlog Uprave,
- v) razmatra prigovore radnika u svojstvu drugostepenog organa,
- w) utvrđuje prijedlog akta iz svoje nadležnosti koje donosi Skupština Društva,
- x) usvaja popisne izvještaje,
- y) donosi odluke o usvajanju cjenovnika robe i usluga Društva,

z) obavlja i druge poslove u okviru nadzora nad poslovanjem Društva u skladu sa Zakonom
aa) imenuje i razrješava direktora Društva.

II.

Oglašava se Javni oglas za prikupljanje prijave kandidata na poziciju člana Nadzornog odbora Javnog preduzeća Šumsko privrednog društva „Šume Hercegovačko-neretvanske" d.o.o. Mostar.

Nadzorni odbor se sastoji od 5 (pet) članova te će se isti imenovati na mandat od četiri godine.

Nadzorni odbor obavlja poslove propisane članom 25. Statuta Javnog poduzeća Šumsko privrednog društva „Šume Hercegovačko-neretvanske" d.o.o. Mostar, te poslove propisane odredbama Zakona o javnim preduzećima i Zakona o privrednim društvima.

A. Opšti kriteriji:

Kandidati za članove Nadzornog odbora Javnog preduzeća Šumsko privrednog društva „Šume Hercegovačko-neretvanske" d.o.o. Mostar moraju ispunjavati sljedeće opšte kriterije:

- da je stariji od 18 godina;
- da je državljanin Bosne i Hercegovine;
- da nije otpušten iz državne službe kao rezultat disciplinske mjere na bilo kojem nivou vlasti u razdoblju od tri godine prije dana objavljivanja upražnjene pozicije;
- da se na kandidata ne odnosi član IX 1. Ustava Bosne i Hercegovine;
- da nije osuđivan za krivična djela i privredni prestup nespojiv s dužnošću člana Nadzornog odbora i to 5 godina od dana pravosnažnosti presude, isključujući vrijeme izdržavanja kazne zatvora, prije datuma objavljivanja upražnjene pozicije;
- da nije na dužnosti u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Službene novine F BiH", broj: 12/03 i 34/03);
- da nije izabrani dužnosnik, nosilac izvršnih funkcija ili savjetnik u smislu Zakona o sukobu interesa u tijelima vlasti Federacije Bosne i Hercegovine („Službene novine F BiH", broj 70/08);
- da nema direktan ili indirektan interes u bilo kakvoj aktivnosti koji bi doveo do sukoba interesa s dužnošću u javnom preduzeću, odnosno privrednom društvu u čije se tijelo kandidira;
- da nije u nadzornom ili upravnom odboru u drugoj instituciji ili privrednom društvu.

B. Posebni uslovi:

Pored navedenih kriterija kandidat mora ispunjavati i sljedeće:

- VSS, završen fakultet društvenog ili tehničkog smjera (dokaz: kopija diplome ovjerena od strane nadležnog tijela);
- najmanje 3 godine radnog iskustva u struci (dokaz: uvjerenje ili potvrda o radnom iskustvu).

III.

Prilikom procjene kvalifikacija i iskustva kandidata uzet će se u obzir i sljedeće:

- vladanje materijom i problematikom iz oblasti za koju se kandiduje;
- sposobnost za savjesno, odlučno i odgovorno obavljanje poslova;
- sposobnost nepristrasnog donošenja odluka;
- komunikacijske i organizacijske sposobnosti;
- sposobnost upravljanja finansijskim i ljudskim resursima
- preporuke ranijih neposrednih rukovodioca.

IV.

Potrebni dokumenti:

Uz prijavu na javni oglas kandidati su dužni priložiti kraći životopis s adresom i kontakt telefonom, priložiti originalne dokumente ili ovjerene kopije navedenih dokumenata, ne starije

od šest (6) mjeseci, koji predstavljaju dokaz o ispunjavanju opštih i posebnih uslova traženih oglasom. Dokumenti priloženi uz prijavu na javni oglas neće se vraćati kandidatima.

Ostale napomene

Svi kandidati koji budu stavljeni na listu sa užim izborom biće pozvani na intervju pred Komisiju za izbor koju imenuje ministar poljoprivrede, šumarstva i vodoprivrede HNK.

Prije intervjuja kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonu o zaštiti ličnih podataka BiH („Službeni glasnik BiH“, broj: 32/01).

Podnošenje prijava

Obavještenje o Javnom oglasu objavljuje se u „Službenim novinama Federacije Bosne i Hercegovine“, te u dnevnim novinama „Dnevni avaz“ i „Večernji list“, a tekst Javnog oglasa objavit će se na Web stranici Vlade Hercegovačko – neretvanskog kantona i Ministarstva poljoprivrede, šumarstva i vodoprivrede Hercegovačko – neretvanskog kantona. Javni oglas ostaje otvoren 15 dana od dana objave u „Službenim novinama Federacije Bosne i Hercegovine“.

Prijave na javni oglas sa svim traženim dokumentima mogu se dostaviti lično ili putem poštanske službe preporučeno, na adresu:

Ministarstvo poljoprivrede, šumarstva i vodoprivrede HNK
Komisija za izbor
Hrvatske mladeži bb
M o s t a r

uz naznaku: „Prijava na javni oglas za članove Nadzornog odbora u Javnom preduzeću Šumsko privrednom društvu „Šume Hercegovačko-neretvanske“ d.o.o. Mostar“.
– ne otvarati –

Nepotpune, neblagovremene i neuredne prijave neće se uzeti u razmatranje.

Broj: 11-06-28-3070-1/18
Mostar, 18.12.2018. godine

Ministar

DONKO JOVIC